

Transkription von Urkunde HBS 1490b

Ort, Datierung: Halberstadt, 1490-07-12

Signatur: Stadtarchiv Halberstadt, G 04

Bemerkung: HOCHDEUTSCH

Of Schriftlich schilde Vnnd gerechtigkeit Schutzrede antwurd Nochrede vnnd Kegenrede i(t)c der Wirdigen vnser lieben Andechtigen Dechants vnnd Capittels . Vnser lieben frawen Kirchen In vnser Stad Halberstad Von der selbigen vnser lieben / frawen Kirchen vnnd örentwegen als Cleger eynes Vnnd der Ersamen vnnser lieben getrüwen Borgermeister vnnd Rathmann(e) der gnanten vnnser Stad halberstad von wegen örer mitbörger Hansen Drogekop Henni(n)ger / Ram(m)erszberg Berthmans Kegel Hans Hû(n)derzossen Hansen von Rirgolszem Mararsen Drabe Ladeken Kickebecker Hansen Boldermanss . Heinrichs Odenstede Hansen Broÿger Henni(n)gs Deniken Hansen boirthe Andresen / Krusen Cordes Ingelinstede . Vlrichs . Smedicken die nachgelassen witwe Vnnd erben heinrichs hensehus selbigen Henni(n)gs Geuuerdes Heinrichs Kischen Hansen Henni(n)gs Hansen Rouers beÿnen thanemann(e) Clausen Sÿmons Hansen / Schymelkorns volckmans von Rethen Geuerds cleÿnen Henni(n)gs Ebeling Henni(n)gs Ingelustete Vnnd Herman(n)s hertzberg als beclagten anders teils Sprechen vnnd Erkennen wir Ernst von gots gnaden Ertzbischoff zu Magdburg pri/mas In Germanien Administrator der Kirchen zcu Halberstad herztoge zu Sachsen Lantgraae zu doringen vnnd Marggraue zcu Meissen nach belering(e) der halben gehabt zumassen hiernachvolgt vorrechte . Vnnd zcumersten / vff die Schutzrede vnnd Except(i)on Da durch vnnd mitte sich die obgnanten Borgermeister vnnd Rathmann(e) der Antword vorhoffen zubeschützen Vnnd auch die cleger die selbigen Borgermeister vnnd Rathmann(e) nicht vormeynen als vor/trether der obgedachten orer mittebörger zu zulassen . Sprechen wir vorrecht Das sich die gedachten Bōrgermeister vnnd Rathmann(e) vormittelst solbicher örer Schützrede . vnnd Except(i)on der Antwurd nicht beschutzen noch auffgehal/den mögen Es sollen auch die selbigen Borgermeister vnnd Rathmann(e) ausz krafft des angezeigten Anlass als vortrether der bemelten örer mitborger , billich zugelassen werde von Rechts wegen(e) , Darnach vff die gewhre So Borger/meister vnnd Rathmann(e) obgnant von der clegern gefördert vnnd gebeten vnnd vff zurede vnnd nachrede i(t)c Sprechen wir vorrecht Als vnnd nachdem disse bergische scheel vnnd gebrechenn8e) noch Lantlowfftiger(e) weratlicher weÿse zum(e) rechten / vorfast vnnd voranlast Auch also zugeleÿt vnnd obergeantwurd dodürch sindt dÿ cleger den selbigen Borgermeister vnnd Rathmann(e) solbicher örer schulde vnnd zuspröche eyne genügsa(m)me beständige Gewer wie Recht vnnd Lantlōufftig dūrch / sich adder ören Sindicum vnd Anwalden . zuthun schuldig Vnnd so sy sich des wegen worden solten Borgermeister vnnd Rathmann(e) als vortrether der gnanten orer mitbörger der antword losz vnd ledig geteilt vnd also ab Instantia In/dicÿ entpu(n)den vnnd absoluirt werden von Rechts wegen Furder vff Schultz Antwurd Nochrede vnnd Kegenrede i(t)c dy höwbtsache an sich selbst betreffende So von beiden teilen In vil langen Manchfeldigen vorworren schriftn auf/bracht Sprechen vnnd Erkennen wir vorrecht . Worden die ebemelten Techand vnnd Capittel . wie sich zu rechte gebirrt vnnd eigent erweisen das der selbigen örer kirche von etwann vnser vofaren Bischoffe zu halberstad eynen alles recht / des Ztehendes nichtes vsygeflossen vff der margke zu Latken herszleue rechtlich gegeben vnnd zugeeigent seā Dann(e) solte den gnant(e)n Dechand vnnd Capittel auss Krafft der selbigen gabe der zzehende von kornn vnnd hofpenn vnnd allen / andern frachten der gedachten margk zu Latken hersleue billich volgen Es were

dann(e) sache das ernoehmals ausz vnnsernn vorfarn Bischouen zu halberstad eyner Als Nemelichen Bischoff Albrecht seliger dÿ frachte des kopfzcehendes / doselbst zu Latken herszleue den ehebestympten Borgermeister vnnd Rathmann(e) auff zuheben vorgunst vnnd zugelassenn Vnnd dÿe selbigen Bÿrgermeister vnnd Rathmann(e) . solliche frachte des kopfzcehenden rechte vorworte Zceit vnd / also Vierzeig Jar von wegenn des bemelt(e)n vnnsers vorfarn , entpfangen vnnd vffgehobenn hetten . Alsodenne . So das durch Borgermeister vnnd Rathmann(e) wie Recht bÿgebracht worde . Weren Dechend vnnd Capittel egnant , / darch selbiche gunst vnnd vor Jarÿnge von bemelter ðrer gerechtigkeit des kÿpfzcehendes So ðre Kirche vnnd sye auss Krafft der obgedachten gabe erlant . gefallenn So aber die nehstgedachtenn Dechand vnnd Capittel erwei/sen worden das sie den selbigen korn vnnd kopfzcehenden , Zu ðrer gebrewchlichen Gewer vorwerte Zceit gehabt vnnd denn also durch eyne Rechtliche vor Jarunge vnnd prescript(i)on vberkom(m)en vnnd erlangt Auch Zu der ge=/stalt das sy adder ðre vorfarn von sollichen felden Garten wesenn adder Eckern gebuwet vnd . vngebÿwet , derhalben sich Itzmit disse Krigische Irrunge erhobenn etwas von Wegenn sollichts Zcehenden entfangen vnnd auff / geno(m)men haben . Danne sÿlte ðn , sollicher korn vnnd kopfzcehende auch billich folgenn So sie aber von allen adder erlichen den selbigen Eckern Garten Wesenn adder feldenn . von wegen des Zcehenden nichts vffgehobenn8e) / ?aun mÿchten sy auss Krafft . sollicher ðrer vorJarung(e) die weile sich die vff Nhÿe gebuwte felde vnnd Noÿalia ? nicht erstregkt . den kopfzcehenden(n) So sy den In orer gebrewchlichen Gewer . In der gestalt wie hieroben nichte / gehabt awff den newe gebewten(e)n hopfgartenn nicht erlangen Vnnd ðn sÿlte also entlich aller zcehende Von den Eckern Wesen Garten vnnd feldenn Vff den sie sollichen Zcehenden durch die selbige ðre rechtliche VorJarung(n)g / vnnd prescript(i)on orlangt vnnd nicht von den andern billich folgen(e)n Welche parthie auch In disser Krigischen Sache selbig wurde . mÿste der andern ðre gerichtskost , vnnd Expenss noch rechtlicher messunge vnd / Taxat(i)on erstaten vnnd widderkoren von Rechts wegen Zu Vrkunde mit vnserm anhangenden Ingesigel vorsigelt Vff Mantag nach Kiliani martiris Anno do(m)ini i(t)s Nonagesimo Vff dem petershofe Sind / disse Vrteil vnnd Rechtsprach durch vnnsers Ernsts Ertzbischoff i(t)c obgnant Rethe Nemlichenn Heinrichen von Than , Hansen Kottzenn . vnnd Ern Vlrichen vogt . Licentiaten , vnnd Cantzlern dar zu vororordent / In beider obgnanter parthien biewesen vnnd vff yr anregen excoffent gelesen vnnd promulgirt Vnnd durch den Dechand vnnd Senior(e)n . von wegen des Capittels vnnd In ðre gegewertigkeit als clegern ðre gewe/re bie vorpfendung aller vnnd iglicher der kirchen vnser lieben frawen . gatern genantem Heinrichen von Than mit hand vnnd mÿnde zugesagt vnnd gelobt des ynn(e) beide teil vorsigelte Copien vnnd Zeÿmlich ? scrift / nemlich Zcehentage ob ynn(e) laterung noit sein worde sich zubedenckenn zugeben gebetenn haben(e)n Des beiden teilen Darch obgnante Reche souil ÿnen nach lawt des Anlasz gebÿrenn wil vorgan(n)et vnd zugegeben ist